



**AKTI I THEMELIT DHE STATUTI
I SHOQËRISË "ERRECI NEGOZI" SHPK**

THEMELIMI

NENI 1 - ORTAKËT THEMELUES

1.1 Shoqëria "ERRECI NEGOZI" SHPK themelohet nga Ortaku i Vetem:

Z. Michelangelo Tritta, shtetas italian, lindur më 18/02/1973 në Trani (BA), Itali, banues në Via Città di Milano 42, cap 76125, Trani (BA), Itali, mbajtës i Kartes se Identitetit me nr. AT9621661, me zotësi të plotë për të vepruar;

I cili me vullnetin e tij të lirë dhe të plotë krijon shoqërinë si vijon.

EMËRTIMI, SELIA, FORMA LIGJORE

NENI 2 - EMËRTIMI

2.1 Emërtimi i shoqërisë është "ERRECI NEGOZI" SHPK (më poshtë e quajtur "Shoqëria").

NENI 3 - FORMA LIGJORE

3.1 Shoqëria është e formës me përgjegjësi të kufizuar dhe është themeluar në përputhje me legjislacionin tregtar në Shqipëri.

3.2 Shoqëria mund të shndërrohet në një formë tjetër në përputhje me legjislacionin shqiptar.

NENI 4 - BAZA LIGJORE

4.1 Shoqëria do të zhvillojë veprimtarinë e saj në përputhje me këtë Akt Themelimi dhe Statut, legjislacionin tregtar dhe dispozitat të tjera ligjore në fuqi.

4.2 Për sa nuk është parashikuar në këtë Statut, do të aplikohen dispozitat e ligjit nr. 9901, datë 14.04.2008, "Për tregtarët dhe shoqëritë tregtare", i ndryshuar.

4.3 Çdo mosmarrëveshje që mund të lind në lidhje me zbatimin dhe/ose interpretimin e këtij Statuti, do të zgjidhet nga gjykata e Rrethit Gjyqësor Tiranë.

NENI 5 - PERSONALITETI JURIDIK. KOHËZGJATJA

5.1 Shoqëria fiton personalitet juridik me regjistrimin e saj në Regjistrin Tregtar pranë Qendrës Kombëtare të Biznesit në Tiranë, Shqipëri.

5.2 Afati i veprimtarisë së shoqërisë është i pakufizuar.



NENI 6 - SELIA

- 6.1 Selia e shoqërisë është në adresën: Rruga Brigada VIII nr. 16, Kati 5/29, 1019 Tiranë.
- 6.2 Shoqëria mund të hapë degë, filiale apo zyra përfaqësie si brenda territorit të Shqipërisë ashtu dhe jashtë saj.
- 6.3 Shoqëria mund të marrë pjesë në shoqëri të tjera Shqiptare ose të huaja që ekzistojnë ose do të krijohen në të ardhmen.

NENI 7 - EMBLEMA. VULA

- 7.1 Shoqëria do të ketë emblemen dhe vulën e saj. Vula do të përdoret nga administratorët e shoqërisë.
- 7.2 Forma dhe përmasat e vulës do të përcaktohen në përputhje me rregullat e legjislacionit shqiptar.
- 7.3 Të gjitha dokumentet e shoqërisë duhet të përmbajnë emblemen dhe vulën e saj.

NENI 8 - OBJEKTI

- 8.1 Objekti i veprimtarisë së Shoqërisë do të jetë:

Ushtrimi i shpërndarjes me shumicë dhe pakicë, edhe nëpërmjet shfrytëzimit të rrjetit "internet", të artikujve të veshjeve, trikotazhit, artikujve për arredimin e shtëpisë, produkteve tekstile, produkteve plotësuese ose të ngjashme dhe në përgjithësi mallrave të konsumit të gjerë dhe mallrave ushqimore për personin, shtëpinë dhe kohën e lirë. Shoqëria gjithashtu do të jetë në gjendje të ofrojë shërbime teknike dhe tregtare në emër të palëve të treta dhe shërbime në përgjithësi, të marrë dhe japë mandate dhe përfaqësime me ose pa depozita, të kryejë "import-eksport" dhe veprimtaritë e transportit edhe për palët e treta në fushat e përmendura më lart. Shoqëria mund të kryejë aktivitetet tregtare të lartpërmendura edhe si përfaqësuese, agjente, komisionere dhe të dërguar e kompanive kombëtare dhe të huaja që veprojnë në sektorët e lidhur.

Prodhimi i veshjeve të çdo lloji në fushën e veshjeve të brendshme për meshkuj, femra dhe fëmijë të çdo lloji, artikuj të ndryshëm veshjeje të çdo lloji, të veshjeve të jashtme, aksesore të veshjeve të çdo lloji, këpucë dhe artikuj prej lëkure të çdo lloji dhe vlere, plotesues për veshjet, veshje dasme dhe veshje pune.

Tregti me shumicë dhe pakicë të materialeve të para dhe plotësuese në sektorin e veshjeve, të brendshmeve dhe shtëpisë.

- 8.2 Shoqëria mund të kryejë çdo aktivitet tjetër i cili është në përputhje me Ligjet e Republikës së Shqipërisë.

NENI 9 – KAPITALI THEMELTAR

- 9.1 Kapitali themeltar fillestar i shoqërisë është 10000 (dhjetë mijë) Euro.
- 9.2 Kapitali themeltar përbehet nga 1 (nje) kuote me vlerë nominale 10000 (dhjetë mijë) Euro.
- 9.3 Kapitali zotërohet teresisht nga Ortaku i Vetem.
- 9.4 Përgjegjësia e Ortakut shtrihet deri në vlerën e kontributit të tij në kapitalin e Shoqërisë.

NENI 10 - TRANSFERIMI I KUOTAVE. KUFIZIMET

- 10.1 Kuota e kapitalit është e transferueshme dhe mund të transferohet në çdo moment sipas kushteve dhe afateve të parashikuara nga ligji shqiptar.



10.2 Vendosja e çfarëdoj barre mbi pjesët e kapitalit në favor të palëve të treta do të lejohet vetëm me pëlqimin e Asamblesë së Ortakëve.

ORGANET E SHOQËRISË

NENI 11 - VENDIMET E ASAMBLESË SË ORTAKËVE

11.1 Asambleja e Ortakëve në përputhje me legjislacionin shqiptar, mund të vendosë, por pa u kufizuar në to, vendimet me poshtë:

- përcaktimin e politikave tregtare të shoqërisë dhe mbikëqyrjen e zbatimit të tyre nga administratori ose administratorët, përfshi raportet financiare;
- zmadhimin dhe zvogëlimin e kapitalit;
- miratimin e shkrirjes/bashkimit me shoqëri të tjera;
- ndryshimin e statutit të shoqërisë;
- ndryshimin e selisë dhe të emërimit të shoqërisë;
- emërimin e ekspertëve kontabël të autorizuar, në qoftë se është e nevojshme;
- rritjen ose zvogëlimin e kapitalit themeltar të shoqërisë;
- shitjen ose transferimin e pjesëve të kapitalit themeltar palëve të treta;
- ristrukturimin dhe prishjen shoqërisë;
- emërimin ose shkarkimin e administratorit ose administratorëve të shoqërisë;
- miratimin e pasqyrave financiare të shoqërisë dhe raportit të administratorit(eve);
- vendimin për shpërndarjen e fitimit dhe mbulimin e humbjeve;
- transformimin e shoqërisë në forma të tjera;
- dhe çdo lëndë tjetër të parashikuar nga Statuti ose nga ligji.

NENI 12 - ADMINISTRIMI

12.1 Administrimi i shoqërisë do të kryhet nga një ose më shumë administratorë që emërohen me vendim të Asamblesë së Ortakëve.

Në rast se Shoqëria do të administrohet nga më shumë se një administrator, atëherë Administratorët mund t'i ushtrojnë kompetencat bashkërisht ose veçmas sikurse do të përcaktohet në vendimin përkatës të Asamblesë së Ortakëve.

12.2 Administratori i parë i shoqërisë është:

Z. Michelangelo Tritta, shtetas italian, lindur më 18/02/1973 në Trani (BA), Itali, banues në Via Città di Milano 42, cap 76125, Trani (BA), Itali, mbajtës i Kartes se Identitetit me nr. AT9621661.

12.3 Administratorëve u jepen të gjitha kompetencat e përcaktuara nga legjislacioni i Republikës së Shqipërisë, duke përfshirë, por pa u kufizuar në to, Administratorët janë përgjegjës për veprimtaritë e mëposhtme:

- drejtimin e veprimtarisë së përditshme të shoqërisë;
- përfaqësimin e shoqërisë në marrëdhëniet me të tretët personalisht ose me përfaqësim;
- hartimin dhe mbajtjen e kontabilitetit;
- përgatitjen e dokumenteve në emër të shoqërisë sipas kompetencave që zotëron;
- të lidhë kontrata për dhe në emër të shoqërisë me palë të treta, të punësojë dhe pushojë punëmarrës apo staf tjetër që konsiderohet i nevojshëm për mbarëvajtjen e aktivitetit të shoqërisë;
- të përfaqësojë shoqërinë përpara bankave të nivelit të dytë dhe Bankës së Shqipërisë si dhe të kryej çdo transaksion bankar në emër të shoqërisë;
- të ndërmarrë çdo veprimtari tjetër, ose biznes, ose aktivitet i cili konsiderohet i nevojshëm për administrimin efikas të Shoqërisë në Shqipëri.

12.4 Mandati i administratorit do të jetë i vlefshëm për pesë vjet me të drejtë ripërtëritje ose deri në çastin e revokimit të tij me vendim të Asamblesë së Ortakëve.

12.5 Administratori i Shoqërisë mund t'i transferojë çdo personi apo grupi personash të gjitha apo një pjesë të kompetencave të tij sipas këtij Statuti dhe me kushtet që ai konsideron si të arsyeshme dhe në çdo kohë mund të anullopë këtë transferim kompetencash.

NENI 13 - VITI FINANCIAR

13.1 Viti financiar i shoqërisë përputhet me vitin kalendarik, duke filluar nga 1 Janari dhe përfundon më 31 Dhjetor të çdo viti.

13.2 Përrjashtimisht, viti i parë financiar i shoqërisë do të fillojë nga dita e regjistrimit të shoqërisë në Qendrën Kombëtare të Regjistrimit dhe përfundon më 31 Dhjetor të po atij viti.

NENI 14 - BILANCI. KONTABILITETI.

14.1 Bilanci vjetor i shoqërisë shqyrtohet nga Asambleja e Ortakëve dhe duhet të përgatitet për t'u paraqitur para organeve tatimore dhe Qendrës Kombëtare të Regjistrimit deri në fund të muajit Mars të çdo viti pasardhës.

14.2 Kontabiliteti mbahet në gjuhën dhe monedhën shqiptare si dhe sipas kërkesave të legjislacionit përkatës. Për operacione të veçanta, shoqëria mund të bëjë veprime edhe me llogari të veçanta në monedhë të huaj, duke bërë konvertimin brenda vitit.

14.3 Shoqëria mund të pranojë fonde nga institucionet financiare që operojnë në Shqipëri ose jashtë. Për këtë qëllim shoqëria mund të lërë peng pjesë të kapitalit si garanci ose mund të hipotekojë pasuritë e saj të paluajtshme, vetëm me vendim të Asamblesë së Ortakëve.

NENI 15 - TE ARDHURAT, DIVIDENDI

15.1 Shoqëria mund të krijojë fonde rezerve për realizimin e qëllimeve të aktivitetit të saj në përputhje me kërkesat e ligjit Nr. 9901, datë 14.4.2008 "Për Tregtarët dhe Shoqëritë Tregtare".

15.2 Fitimet që do të rezultojnë në fund të mbylljes së çdo viti ushtrimor, pas pagimit të tatimeve, mund të ndahen nga Asambleja e Ortakëve.

15.3 Humbjet e shoqërisë do të mbulohen deri në kufirin e kapitalit themeltar dhe çdo ortak do të përgjigjet deri në kufirin e kontributit të tij në kapitalin themeltar të shoqërisë.

NENI 16 - LIKUIDIMI

16.1 Likuidimi i Shoqërisë si dhe emërimi i likuidatorit(ëve) bëhet në përputhje me ligjin nr. 9901, date 14.04.2008 "Për tregtarët dhe shoqëritë tregtare", i ndryshuar, dhe çdo ligj tjetër të zbatueshëm.

NENI 17 - MOSMARRËVESHJET

17.1 Mosmarrëveshjet që mund të lindin midis shoqërisë dhe të tretëve, në rast se nuk zgjidhen me mirëkuptim do t'i nënshtrohen shqyrtimit nga gjykata kompetente shqiptare.


NENI 18 - KLAUZOLË MBYLLËSE

18.1 Ky Statut hartohet në 3 (tre) ekzemplare me fuqi të njëjtë ligjore.


Nenshkruar në prani të perkthyeses së gjuhës italiane Znj. Iva Toska.

ORTAKU I VETEM

Z. MICHELANGELO TRITTA



Data 12.04.2018



REPUBLIKA E SHQIPERISE
DHOMA E NOTERISE TIRANE

Nr. 2586 Rep.



VERTETIM NENSHKRIMI

Sot me date 12 Prill 2018, para meje JULIAN ZHELEGU, Noter prane Dhomes se Notereve Tirane me seli ne Rr. "Pjeter Bogdani", Tirane, u paraqit:

Z. Michelangelo Tritta, shtetas italian, lindur më 18/02/1973 në Trani (BA), Itali, banues në Via Città di Milano 42, cap 76125, Trani (BA), Itali, mbajtës i Kartes se Identitetit me nr. AT9621661, me zotësi të plotë për të vepruar;

I cili, ne prani te perkthyeses se gjuhes italiane Znj. Iva Toska, e njohur prej meje noterit, deklaroi se ka nenshkruar me vullnet te lire e te plote, dokumentin bashkangjitur ketij vertetimi, Akti i Themelimit dhe Statuti i shoqerise "ERRECI NEGOZI" sh.p.k., e une noteri vertetoj nenshkrimin e tij rregullisht sipas ligjit.

**NOTER
JULIAN ZHELEGU**

REPUBBLICA D'ALBANIA
ALBO NOTARILE DI TIRANA

No. 2586 Rep.

AUTENTICA DI FIRMA

Oggi, li 12 Aprile 2018, dinanzi a me JULIAN ZHELEGU, Notaio presso l'Albo Notarile di Tirana, avendo sede in: Rr. "Pjeter Bogdani", Tirana, si è presentato:

Sig. Michelangelo Tritta, cittadino italiano, nato il 18/02/1973 a Trani (BA), Italia, residente a në Via Città di Milano 42, cap 76125, Trani (BA), Italia, titolare della Carta d'Identità no. AT9621661, con piena capacità di agire.

Il quale in presenza della traduttrice della lingua italiana Sig.ra Iva Toska ha dichiarato che ha sottoscritto con la sua piena e libera volontà, il documento che si allega a questa autentica, Atto Costitutivo e Statuto della società "ERRECI NEGOZI" sh.p.k., ed io notaio certifico la sua regolare sottoscrizione in base alla legge.

**NOTAIO
JULIAN ZHELEGU**

